

**Nwa' wvu bokaŋ bofεε wvù Baul to
saŋεε ê kentaashε ke
Tesalonika
Fiεε fi nu ê Nwa' wvu Tesalonika
wvu bokaŋ bofεε wvun e**

No Baul to cim saŋεε nwa' wvu fwe fô bonyii bo mbee le bo Tesalonika le ekumε le bó ecεyte yî nyεkeey e, kefew kè Jisos nu ke ekase eto le, ε bvufee mεy ke no bvuuŋke bó yî saaka wvudvu le. E Baul mum saŋ nwa' wvu bokaŋ bofεε wvun keejeme ekumε no bonyii to kpwaake wase le diuu di nto Tata le didvu nu ε jo wase bvudvuu. Wvú to nu ε nele nkpawcε wvun duŋcε le é nto Klistu se jo bvudvuu nu ε kebefε bô mwεem mvu buwyεen nu ke eduu efesen lo.

Bikuu bi mwεem e ê nwa' wvun

1:1-2 Keŋkεwce

1:3-12 E Baul bense bvuu tom kentaashε ke bonyii bo mbee le

2:1-17 Ntefe ekumε nto Klistu

3:1-15 Ntefe ekumε nce wvu bonyii bô è nu bo Klistu le

3:16-18 Kemεse

¹ E nu me wvù Baul, ε me nu bee Silas noo Timatio. Me nsaanke nwa' wvun fô kentaashε ke bonyii bo mbee le ke Tesalonika le kè nu ε taashε ε no nu yî Nyo' Icee wesebeene bô Tata Jisos Klistu le.

² Nyo' Icee wesebeene bô Tata Jisos Klistu ebuw ben bô kembonen ebvuu enya ben bô nyekēey.

Ngew bô mmawcε wvù nu ke enu kefew kè Klistu nu ke ekase eto le

³ Boom bo bwee wese le, bese keηke keenyaa keyoone ê Nyo' sekecii ekumε ben. ε fī nu leη nonen, ηjefo mbee wene kuu ke gene lo fwe fwe, ε keηkoηen kè wee mwaanη mwaanη keηke fô wee noo wee le gene ke lo ten fwe fwe. ⁴ Nonen, bese kebεε ké no saale ye bô ben ê bintaashε bi bonyii bo mbee le bi Nyo' le bimew e. Bese ké no saale ekumε no ben leeme temyi bô ekumε no bonyii bone bikaa ê ben εjim ε ben jici ke mbee wene le, noo ekumε bongew bô ben yene kuule ke shém e. ⁵ Fifi nu fiεε fī dunji le Nyo' nu ke esaw bonyii ê je yi teyey e, wvu le ben ke enu ε ben ε kocen bonyii bo bvunfon bvū Nyo' le bvù ben yene bongew ban nje bvú le. ⁶ No Nyo' nu wee wvu teyey, wvú nu ke etfuse naa ηgew wvù bonyii nyaa ê ben bô ηgew, ⁷ enya nleεten ê ben bô yene ηgew noo ê bese ten. Fifi nu ke ekooy seke Tata Jisos nu ke ebuynen fowe etoo ê leme di ηguy e di saasaa le. Wvú nu ke etoo nonen bô bonceendaa bew bô temyi. ⁸ Wvú nu ke etfuse envukε ê bonyii bô maa lo Nyo' noo bô baa bee saaka wvù jee wvu ekumε Tata Jisos e ke. ⁹ Bó nu ke elase bó é bó ekeηke ηgew wvù mey lo, é bó egawsen bó bô bo Tata fo bó eto fwe dvu wvú noo fô bvukukε bwew bvū baay e. ¹⁰ Fifi nu ke ekooy εbvubwε bvù wvú nu ke eto wvu le bonyii bô è nu

1:3 2:13; 1Tes 1:2-3 **1:4** 1Tes 2:19-20; 3:3, 7 **1:5** Fili 1:28

1:6 Lum 12:19; Mwm 18:6 **1:7** Mat 25:31; 1Tes 5:1-2 **1:8**

Yesa 66:15; Lum 2:8; 1Bi 4:17

bew etumte monkum mew, é bonyii bocii bò nu ε lese fitele yî ye le ekeηke lo ηghaw bô wvú. Ε ben ten nu ke enu bó le njefo ben to nu ε bee saaka we wvù bese to jemyεε ê ben e. ¹¹ Ε nεε fiεε fi bese bunlee κε fô ben e sekecii le Nyo' wese ege é ben enù ε ben ε kocen kfuu bonyii bò wvú teηe le ben enù le. Bese bunlee ten le wvú efi ben yî mvunγay mwew e, é ben ege fiεε fi jee ficii fi ben shieele noo lemme dicii di ben gee nje fitele fi ben nu ε lese yî Klistu le. ¹² Bese bunlee ten nonen wvu le diee di Tata wesebeene wvù Jisos e, ekeηkè mbense ê ben enteleη, ε ben ten keηke mbense yî ye le. Fifin nu nje fitele fi jee fi Nyo' wesebeene bô Tata Jisos Klistu keηke fô ben e.

2

Ekume wee we wvù ηgoyte nci Nyo'

¹ Boom bo bwee wese le, fi ekume nto Tata wesebeene wvù Jisos Klistu bô no beene nu ke etaashe keegen enu beene ε bó, nu ε me nleke le, ² fo ben ke enε é bvufee emum ebvun κε lo ben nen nεw, * keηεε enε emum etuwtene le ben nu ε yuw njeme mvu le wvú nen'yi fô Keyoy ke Yuule le, keηεε le bese nu ε jeme, keηεε le bese nu ε san ηwa' le diuu di nto Tata le nu ε to wase κε. ³ Fo ben ecine é wee ke elεε ben ε è cim nu naa ê je yî nεε le κε. Ben ekeè le κε diuu di nto Tata le didvu nu ke ekocen se kefew kiε kè bonyii nu ke enε ebewci bô bo Nyo' ε yaw wase ε to, noo se wee we wvù ηgoyte nci Nyo' ε buynen ten κε. Ε è nu wvú wvù bó nu ke

1:11 1Tes 1:2-3; 5:24 **2:1** 1Tes 4:15-17; 5:1-2 **2:2** 2:15 * **2:2** Keηεε le, "... esεε é bvufee ebvun ben," **2:3** 1Tim 4:1; 1Jon 2:18

elɛse lo. ⁴ Ɛ nu wvú wvù nu ke ebense ɛkolɛ kew emum ekicine lo fiɛɛ ficii fi bó teje ɛ nyo' kenɛɛ fi bó bunlee fí. Nonɛn, emum egeɛn eley eshii yew ncese Nyo' le emum etenje ɛkolɛ kew ɛ è nu wen Nyo'. ⁵ Ke ben kumyi ɛ seke me nto nu beene, nu ɛ me nto nsee fiɛɛ fin ê ben?

⁶ Ben kee wase keseen fiɛɛ fi jici wvú le wvu ɛ wvú ke ebuynɛn ke wase ɛ è nu ê kefew kè bó nu ɛ ngeɛ ê wvú le. ⁷ Ben ekeè ɛ mvunɔay mwew mvù wvú nɔgoyte nci Nyo' dvú lemte wase keseen ejim ejim, ɛ è nu ke ɛ wee wvù baanke mvú nu ke ebaanke ke nonɛn egeɛn ebuy seke bó ke ecake wvú ê je. ⁸ Bó nu ke dioo ɛ cake, é wee wvù nɔgoyte nci Nyo' wɛ emum ebuynɛn, é Tata Jisos emum efefe lo wvú bô keyoy ke ê wvú emvu, efɛwɛ lo bô nlawken wvù wvú nu ke etoo dvú. ⁹ Wee wvudvu wvù nɔgoyte nci nu ke etoo ê mvunɔay mvu Satan e, kenke mvunɔay mvunciim, gee mwɛɛm mvù dunɔi mvunɔay mwew bô mwɛɛm mvu diuw wvù yumɛɛn e mvù è nu mvu kenlɛɛma le mvunciim. ¹⁰ Ɛ wvú nu ke etoo ten bô kfuu mwɛɛm mvù befe mvunciim keelɛɛle bonyii bô laa wase dvú. Ɛ bó laa njefo bó nu ɛ fan keekoɔnke keceɛy wvu ɛ bó ke eboy. ¹¹ No bó baa koɔnke keceɛy nonɛn, Nyo' ɛ mum ɛ ge bó ɛ no looci jeɛnke lo wvu ɛ bó ebenje ke wase ɛ è nu fiɛɛ fi nu fi mbiay e. ¹² Ɛ Nyo' to ge nonɛn wvu ɛ wen ke elese bó bocii yí ngew e bô baa bee keceɛy e, yuuke njon keegee mwɛɛm ɛ è nu ke mvù yaa nu ke teyey e.

Nyo' to caw ben keeboyse ben

2:4 Ɛsek 28:2; Dan 11:36; Mwm 13:5-6

19:15 **2:9** Mat 24:24; Mwm 13:11-13

1:6-8

2:8 Yɛsa 11:4; Mwm

2:11 2Tim 4:4

2:12

13 Geenɛn boom bo bwee wese le bɔ Tata kooŋke naa ntay, bese keŋke ke keenyaa keyoone ê Nyo' sekecii ekumɛ ben, njefo Nyo' to nu ɛ caw wase ben fonkɛw keeke eboyse ben fele yî lemme di Keyoy ke Yuule gee le ben eyuule le, bô yî mbee wvù ben nu ɛ bee keceey e. 14 Wvù to teŋe ben yî fifin e fele yî saaka wvù jee wvù bese to fewci le, wvu le ben ke ekeŋke fô bvukuke bvu Tata wesebeene wvù Jisos Klistu le. 15 Nonɛn boom bo bwee wese le, ben eleemè tɛmyi, jicì nce wvù bese to nyaɛ ê ben e, keɛɛ è nu wvù bese to yeeyɛɛ lo ben dvù bô diuw, keɛɛ è nu wvù bese to saŋɛɛ lo ê ben. 16 Bese leke le Tata wesebeene wvù Jisos Klistu kebeɛ noo Nyo' Icee wesebeene wvù to koŋɛɛ beene no leɛse shém yesebeene sekecii se ŋka, ebvuu enya beene bô fiɛɛ fi jee fi beene taale fwe yî dvù le nje fitele fiew fi jee. 17 Wvù eyvuwsɛ mvuntelem mvunɛn, ege é mvù etɛmyi yî lemme di jee le dicii di ben gee bô yî fiɛɛ ficii fi ben jemyi le.

3

ɛ Baul leke le bonyii bo mbee le ebunleè fô bowen e

1 Keemɛɛse, boom bo bwee wese le, ben ebunleè tɛn fô bese le. Ben ebunleè le diɛw Tata elewtè gene lo fwe ɛ bonyii wvumte diɛw yidvu ke no ben to geɛ. 2 Ben ebunleè tɛn le bese ke eboy can bonyii bô keŋke mvuntelem mvù befe gee mwɛɛm mvù befe le, njefo ke è nu bonyii bocii bô keŋke mbee ke. 3 Geenɛn Tata ké no leeme ke yî diɛw ye le. Wvù

nu ke enya ben bô mvunḡgay, ebvuu egemgeme ben fo ben ke eley can wee kebefε le. ⁴ Bese nu ε γεε bvufee bvuseεe yî Tata le εκυμε ben λε ben gee wase fiεε fi bese gayte, ε ben nu ke emεy κε egee. ⁵ Bese λεke λε Tata eleke mvuntelem mvunen é mvú enu yî κεηκοηεν κè ke Nyo' le ebvuu ege é ben ekuulè shém no Klistu to kule.

Wee κεηke keelemte σε diee

⁶ Boom bo bwee wese le, bese gayte lo ê ben ê diee di Tata wesebeene wvù Jisos Klistu le λε, ben enjemkesè ye ben ε boom bo bwee wesebeene le bò laame κε lo yaa cee κε bii nce wvù bese to duηcee ê ben e κε. ⁷ Me njemyi nen, njefo ben keβεε kee no ben κεηke keebenene bese. Κε bese to ké no laame seke bese to nu beene κε. ⁸ Κε bese to diee fiεε fi wee le σε bese ε law κε. Bese to lemte jimtene ενταη bô εmvunsheen wvu λε fo bese ke egεε bvujite yî wee mvu ben e κε. ⁹ Κε bese to gee nonen λε κε è nu bvudvuu bvuseεe keebiite mwεem ê ben κε. Ε to nu wvu λε bese eduηçi yî gee disεε le wvu λε ben ebenenè bese. ¹⁰ Ben ekeè λε naa seke bese to nu beene nu ε bese to nya nci wvun ê ben λε, “Ε wee nu λε κε wen nu elemtè, fo bó enya wvú bô fiεε fidien κε.” ¹¹ Me njemyi nen njefo bese yuuke λε ben bomew shee laame κε lo yaa lemte κε, λεne κε lo leese dew fô mwεem mvu bonyii bomew e. ¹² Boba bonyii nu ε bese gayte bvuu ciise lo ê bó ê diee di Tata Jisos Klistu le λε bó eshii fokuse elemtè keekeηke fiεε fi bó edieè. ¹³ Fô ben e, boom bo bwee wese le, fo ben ke ewεle keegeε gee di jee κε.

3:4 1Kol 4:16; Gal 5:10 **3:6** 3:12; 1Tes 5:14 **3:8** 1Tes 2:9

3:9 Lem 18:3; 1Tes 1:6; 1Kol 9:4 **3:10** 1Tes 4:11 **3:11** 1Tim 5:13 **3:12** Εφε 4:28 **3:13** Gal 6:9

14 Ε wee tun keeyuw fiεε fi bese jemyi ê ηwa' wvun e, é ben ciise wvú. Fo ben ebvuu ekeηke lo fiεε keege bô wvuwee wee κε, wvu le wvú ewuumεη. 15 Geenεη, fo ben ejod wvú diεwee wee bvuban e κε. Ben etefe lo wvú diεwee waa bwee wene le.

Ngayma wvu fokemεse

16 Tata wvù nu wvu nyεkeey enyaà ben bô nyεkeey sekecii ê jé le yicii. Tata enù ben ε bó bocii.

17 Me wvù Baul nsaanke ngayma wvun bô kebo kem. Fin nu nciise wεm wvù me ηgee ê bonwa' bem e bocii. Ε è nu no me ηké no nsaanke. 18 Tata wesebeene wvù Jisos Klistu ebuw ben bocii bô kembonεη kew é kí enù ben ε bó.

**Nwa' Nyo' Monkan mo Monfem
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
5b12a3f8-7a2a-5b6f-b1da-1bf94b13fc2e